

Книга жажы

Чуръёс лыкто мӧзмыку

Егит дыръязы тросэз кылбур гожъяло. Куд-ог писательёс пересьмыса гожъяськемысь дугдо. Нош Дэбес ёросысь Улын Тыловой гуртын вордскем Надежда Жуйкова кылбураны кутскиз... 70 арсаз. Та гинэ мар, туэ «Гужем, тон кыстйськы кема» бичетсэ (6+) поттйз.



Йӧскалык библиотекалэн «ВКонтакте» бамысьлыз

Дэбес ёросысь Улын Тыловайысь Надежда Жуйкова.

Удмурт нылкышнолэн та 2-тй книгаез ни, солэсь азь-выл потйз «Сюлэм улэ орт-чемныз» сборникез.

Виль книгаен но авторен тодматскон жыгтэз усьтыса, педагогика наукаосъя кандидат, литературовед Светлана Ареева пусйиз: котькуд гурт (семья, выжы) сярсь таёе книга луысал ке, шаертодонъя урокёс но кулэ ой луысалзы.

— Надежда Жуйкова кылбурёсаз быгатыса усьтэ гуртэзлэсь, отын улэм но улысь адымиослэсь образъёссэ. Вордскем пальёсыз, гуртоосыз сярсь со яратыса гожъя. Автор — жечсэ тодаз возыны, дуньяны но тау карыны быгатйсь

адыми. Кылтйрлыкес но узыр, чӧшатонъёсыз но тунсыкоесь: «Шыд уртчем кадъ, ортче ук дырмы», «Пурьсь пересь», «Палэзьёс-сюсь-тыльёс»... Мыным туж кельшо солэн сйзыл суредъёсыз, анаезлы Анастасия Елисеевалы сйзем чуръёсыз, — шуэ Светлана Ареева.

Надежда Жуйкова Дэбесысь педучилищез

йылпумъямез бере школаын ужаз. Но 1974-тй арын семьязы кошкиз Сибире. Тобольскын соос улизы 1994-тй арозь, собере бертизы Иже. Вордскем пальёсызлэсь мӧзмон ик солэсь гожъяськон мылкыдзэ усьтйз кадъ. «Гуртэлэсь мӧзмон» кылбураз автор гожтэ: «Лёгем сюресъёсме медаз согы йӧны...»

— Сибирьын улыкумы, туж зол мӧзми удмурт

кыллэсь. Бигер кыр-занъёсты кылзйсько вал, соос удмуртёслэнъёсызлы матынэсь потылызы. Шумпотон но, куректон но отын вал. Нырысетй кылбурме гожтй вордскем гуртмылэн нуналаз, дор пальёсамы вуэме бере. Учкисько но: шуръёс куасьмиллям, лапкомиллям гурезъёс, калык но мукет ни. Олокытысь кылъёс асьсэос потйзы но, кылбуре кылдйз. Юромо пуксьыса, сое уд но гожты. Сюлэм висыку, сюлэм мӧзмыку, чуръёс асьсэос йыре лыкто, — шуэ Надежда Жуйкова.

Та книга бордын Н. Жуйкова ужаз «Удмуртия» издательствоысь редакторен Сергей Матвеев. Сергей Васильевич верамъя, книгаын усьтйське гуртысь потэм но улоньысь трос шуг-секутэз адзем интеллигентной нылкышно. Улонлэсь дуноез дунне вылын номыр өвӧл. Соин ик Надежда Петровна улоннэлэн гужем дырыз мед кыстйськоз на кема.

— Мон пӧртэм авторъёсын ужасько. Куд-огъёсыз котькуд кыл понна

редакторен «ожмасько», нош куд-огъёсыныз валче ужаса, тон ачид жеч мылкыд басъгтыськод. Мон понна авторез усьтйсь тодмет — лыдзиське-а адыми яке уга? Надежда Петровна — туж лыдзиськись нылкышно. Книгалы ним бырйыкумы но, со мыным быдэс список вайиз. Оскем потэ, валче ужмы милиам азыланъгтыськоз на, — шуиз Сергей Матвеев.

Вераны кулэ, С. Матвеев ас вакытаз дасяз Н. Жуйковалэн апаезлэсь, медицина наукаосъя кандидатлэсь Вера Осотовалэсь, «Мынам чыжы-выжые но солэн улон-вылонэз» (6+) книгазэ. Апаезлэсь адзем карыса ик, Надежда Жуйкова кылбуръёссэ издательство нумыны дйсьтйз.

«Гужем, тон кыстйськы кема» книгаын жуч но удмурт кылбуръёс гинэ өвӧл. Отын Н. Жуйковалэн чыжы-выжыосыз, гуртоосыз, кылсярысь, Параска туно-пеллэ, Коля бригадир сярсь тодэ ваёнъёсыз но печатламын.

Галина СЕМЁНОВА

Сизыым пумо тӧл пельтэ

Йӧскалык библиотекаын ортчиз Можгаысь кылбурчилэн Ольга Рассветовалэн «Семь ветров» книгаеныз тодматскон.



Ольга Рассветовалэн «ВКонтакте» бамысьлыз

Можгаысь Ольга Рассветова.

Ольга Рассветова (зэмос фамилиез Зорина) — шаерысьтымы лыдзисьсёс понна тодмо автор, солэн 12 кылбур бичетъёсыз потмын ни. Ольга Ивановна вордскиз 1952-тй арын Можгалан. Удмурт кун университетэз йылпумъяса, химик-биолог луиз. 2 ар школаын ужаз, собере эмьян удысын тыршиз. Ужезъя врач-лаборант ке вал, сюлэм куремезъя — кылбурчи. Удмуртиысь Писательёслэн огазеяско-назы кутэмын, Можгаысь Н. Байтеряков нимо библиотекаын ужась литературая «Инвис» клубе мыло-кыдо ветлэ. Удмуртиын но Россиян ортчылйсь литературая пӧртэм конкурсьёсын вормылэ, кылсярысь, кылем арын Москваын «Русский

лад» фестиваль-конкурсын «Поэзия» номинацын 1-тй инты басъгтыз.

Ольга Рассветова дор, инкуазь, яратон сярсь гинэ уг гожъя, солэн сюлмыз висе адымилэн луызы, жеч нимыз, возытлыкес сярсь. Со синкыли потымон гожтэ адымилэн улоназ шӧдтэк шорысь вуэм куректон, ыштон

но оскон сярсь. Трос кылбуръёсыз Быдзым ожлы, Афганистанын, Чечняын, Украинаын асьме пиосмылэн ожмаськемызы, соолэн чидамзылы сйземын. Нош анай сярсь чуръёсыз, кудъёсаз котькуд кылъёсыз суред сямен син азе пуксё, лыдзисьлэсь сюлэмзэ пыдэсозяз ик бугырто. «Семь

ветров» книгалы азыкыл гожтйз но та презентациез нуиз Удмурт кун университетлэн Можга городысь ёзэныз кивалтйсь Татьяна Кибардина.

— Ольга Рассветова — туж быгатыса гожъяськись автор. Кылбуран удысаз со пӧртэм жанръёсты кутэ. Кылбуръёс, поэмаос, выжыкылъёс, басняос, сонетъёс гожъя. Ольга Ивановна тунсыкъяське удмурт кылбуретэн но. Тани «Родники» книгазэ со дасяз, Удмурт Элькунмылэсь 100 арзэ пусйыку. Отчы пыриз «Живая вода» поэмаез, кудаз со быгатыса но интыяз кутэ «Инмар», «ошмес», «шунды» но мукет удмурт кылъёсты. Туэ калык кылбурчи Н. Байтеряковлы 100 ар тырмонэн валче Можгалась Н. Байтеряков нимо библиотека ялыз войнае ветлэм писательлэсь кылбуръёссэ жуч кылэ берыктонъя конкурс. Ольга Рассветовалэн берыктэмъёсыз уката но тупало вал удмурт кылбурчилэн чуръёсызлы,

со ик вормисе но потйз. Озы ик солэн вань К. Гердлы но А. Окилы сйзем кылбуръёсыз. Ольга Ивановна 2-3 арлы огпол виль книгазэ поттэ. Котькуд бичетаз кылбуръёсты огазея кыёе ке тема. «Семь ветров» книгаяз бамысь баме пӧртэм тӧльёс (Ветер странствий, Ветер вдохновения, Полинный ветер но Ветер перемен но мукет) поряло-пелляло, — шуэ Татьяна Кибардина.

Зэм но, та книгаын 7 пумо тӧльёс кузёясько. Куд-огъёсыз асьмеды, лыдзисьсёсты, шунит маялто но пичи дыре вутто, мукетъёсыз лек пельто но погыртыны тыршо... Кылсярысь, «Ветер перемен» нимо кылбураз автор вазиське Тыллы, Музьемлы, Вулы но Тӧллы. Ыркыт тӧлзэ со куре вань уродзэ чужыны, адымиослэсь йыръёссэс тӧлатыны, урод но пӧечи малпанъёслэсь мозмытыны.

Галина САВИНА